

# ՄԻԱՄՆԱԿԱՆ ՔՆՆՈՒԹՅՈՒՆ

2019

## ՀԱՅՈՑ ՊԱՏՄՈՒԹՅՈՒՆ

### ԹԵՍՏ 1

Խմբի համարը

Նստարանի համարը

#### *Հարգելի՛ դիմորդ*

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք օգտագործել սևագրության համար: ***Թեստ-գրքույկը չի ստուգվում: Ստուգվում է միայն պատասխանների ձևաթուղթը:***

Առաջադրանքները կատարելուց հետո չմոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Մաղթում ենք հաջողություն:

## Ա մակարդակ

1 Ո՞ր թվականին է Արգիշտի I-ը արշավել դեպի Ալիշտու.

- 1) ք. ա. 786 թ.
- 2) ք. ա. 782 թ.
- 3) ք. ա. 785 թ.
- 4) ք. ա. 781 թ.

2 Ե՞րբ է Տիգրան Մեծը Կորդուքը միացրել Մեծ Հայքին.

- 1) ք. ա. 84թ.
- 2) ք. ա. 93 թ.
- 3) ք. ա. 88 թ.
- 4) ք. ա. 94 թ.

3 Ե՞րբ է վերականգնվել Ս. Էջմիածնի Մայր տաճարը.

- 1) V դ. 50-ական թթ.
- 2) V դ. 60-ական թթ.
- 3) V դ. 80-ական թթ.
- 4) VI դ. 60-ական թթ.

4 Մոնղոլները ե՞րբ գրավեցին Հարավային Հայաստանի շրջանները՝ Տարոնը, Վասպուրականը և Աղձնիքը.

- 1) 1244 թ.
- 2) 1245 թ.
- 3) 1249 թ.
- 4) 1236 թ.

5 Ե՞րբ է տեղի ունեցել Եղվարդի ճակատամարտը.

- 1) 1736 թ. մարտին
- 2) 1730 թ. հունվարին
- 3) 1735 թ. հունիսին
- 4) 1735 թ. հուլիսին

6 Ե՞րբ են ռուսական զորքերը գրավել Ախալցխայի բերդը.

- 1) 1828 թ. ապրիլի 17-ին
- 2) 1828 թ. հունիսի 23-ին
- 3) 1828 թ. հուլիսի 23-ին
- 4) 1828 թ. օգոստոսի 15-ին

7

Ե՞րբ են Ս. Գիրսը և Հ. Վանգենհայրը կազմել Արևմտյան Հայաստանի բարենորոգումների ծրագիրը.

- 1) 1912 թ. սեպտեմբերի 10-ին
- 2) 1913 թ. հոկտեմբերի 10-ին
- 3) 1913 թ. սեպտեմբերի 10-ին
- 4) 1914 թ. հունվարի 26-ին

8

Ե՞րբ է Հայաստանը դարձել Եվրասիական տնտեսական միության լիիրավ անդամ.

- 1) 2014 թ. մայիսին
- 2) 2014 թ. դեկտեմբերին
- 3) 2015 թ. հունիսին
- 4) 2015 թ. հունվարին

9

Ի՞նչ դարակազմիկ փոփոխություն տեղի ունեցավ հայոց պետականության պատմության մեջ Վանի թագավորության ժամանակաշրջանում.

- 1) դաշնային կառավարման համակարգից անցում կենտրոնացված պետության
- 2) համադաշնային կառավարման համակարգից անցում կենտրոնացված պետության
- 3) դաշնային կառավարման համակարգից անցում գերկենտրոնացված պետության
- 4) համադաշնային կառավարման համակարգից անցում ժողովրդավարության

10

Ըստ Մովսես Խորենացու՝ Անի ամրոցի մեհենական արխիվի պատմություններն ի մի են բերել՝

- 1) Մեթրոդորոս Սկեփսացին և Բարդաճանը
- 2) Մար Աբաս Կատինան և Օղյումպ քուրմը
- 3) Ամֆիկրատես Աթենացին և Գևորգ Ասորին
- 4) Մար Աբաս Կատինան և Վրույրը

11

Ո՞ր եկեղեցին է Գրիգոր Լուսավորիչը հիմնադրել Աշտիշատում.

- 1) Ս. Ամենափրկիչ
- 2) Իննակնյան Ս. Կարապետ
- 3) Ս. Փրկիչ
- 4) Ս. Երրորդություն

12

Կիլիկյան ո՞ր գահակալն է վերականգնել Կիլիկիայի հայկական պետությունը.

- 1) Թորոս II-ը
- 2) Լևոն I-ը
- 3) Մլեհը
- 4) Թորոս I-ը

13

Մասունի 1904 թ. ինքնապաշտպանության ժամանակ ո՞վ է ղեկավարել հյուսիսային կողմի պաշտպանությունը.

- 1) Անդրանիկը
- 2) Հրայրը
- 3) Գևորգ Չավուշը
- 4) Մեբաստացի Մուրադը

14

Ո՞ր վանքում են 1862 թ. հուլիսի 29-ի գիշերը Ջեյթունի ինքնապաշտպանության ղեկավարները խորհրդակցություն հրավիրել.

- 1) Ս. Աստվածածին
- 2) Ս. Առաքելոց
- 3) Ս. Կարապետ
- 4) Ս. Գր. Լուսավորիչ

15

Ո՞վ էր Հայաստանի առաջին հանրապետության նորընտիր խորհրդարանի նախագահը.

- 1) Արամ Մանուկյանը
- 2) Ավետիս Ահարոնյանը
- 3) Սիմոն Վրացյանը
- 4) Ավետիք Սահակյանը

16

2003 թ. խորհրդարանական ընտրություններից հետո ո՞ր երեք կուսակցությունները կազմեցին կոալիցիա.

- 1) ՀՅԴ, ՀՀԿ, ԲՀԿ
- 2) ՀԿԿ, ՀՅԴ, ՕԵԿ
- 3) ՀՀԿ, ՀԺԿ, Ժառանգություն
- 4) ՀՀԿ, ՕԵԿ, ՀՅԴ

17

Ո՞վ է ստորև բերված վկայության հեղինակը.

*«Հայաստանն... աճել է Արտաշեսի ջանքերով..., և ուստի այստեղ բոլորը միայնեզու են»:*

- 1) Պուլիբիոսը
- 2) Պլուտարքոսը
- 3) Ստրաբոնը
- 4) Խորենացին

18

**Ո՞ր պատմիչի աշխատությունից են մեջբերված խոսքերը.**

*«...գոյություն ունեն հայոց լեզվի նշանագրեր, որոնցով հնարավոր է սեփական ձայնով և ոչ թե մուրացած լեզվով եկեղեցիներում շահել տղամարդկանց ու կանանց և առհասարակ ամբողջ բազմության սրտերը»:*

- 1) Կորյուն
- 2) Մովսես Խորենացի
- 3) Ղազար Փարպեցի
- 4) Վարդան Արևելցի

19

**Ինչպե՞ս էր կոչվում Արևելահայոց ազգային համախորհրդակցությունից քիչ անց ձևավորված, օրենսդրական իրավասություն ունեցող մարմինը.**

- 1) Հայոց ազգային խորհուրդ
- 2) Ազգային ժողով
- 3) Վարիչների մարմին
- 4) Հատուկ կոմիտե

20

**Ինչպե՞ս էր կոչվում ըստ գերդաստանների հավաքվող հարկը, որը ոչ մահմեդականներից գանձում էին արաբները.**

- 1) ծխահարկ
- 2) աշար
- 3) տասանորդ
- 4) գլխահարկ

21

**Սասանյանները, տիրանալով գահին, թշնամական դիրք բռնեցին հայերի նկատմամբ, որովհետև՝**

- 1) հայ Արշակունիները հավատարիմ էին մնացել իրենց դաշնակից պարթև Արշակունիներին:
- 2) Մեծ Հայքի թագավորությունը ձգտում էր Սասանյաններից գրավելու Ատրպատականը:
- 3) հայ Արշակունիները սատարում էին Արևելքի քրիստոնեական համայնքներին:
- 4) Մեծ Հայքի թագավորությունը ցանկանում էր ազատագրվել Սասանյանների գերիշխանությունից:

22

**Ո՞րն էր Բագրատունյաց Հայաստանում կենտրոնացված պետության ստեղծման ջանքերի ձախողման գլխավոր պատճառը.**

- 1) երկրի՝ տնտեսական առումով հետամնաց լինելը
- 2) արտաքին գործոնները
- 3) հայ իշխանների անհնազանդությունը
- 4) Հայոց եկեղեցու ղեկավարության դիրքորոշումը

23

**XIX դարի ռուս-պարսկական երկրորդ պատերազմի իրադարձությունները դասավորել ժամանակագրական հաջորդականությամբ.**

- ա. Թավրիզի գրավումը
- բ. Շուշիի պաշարման սկիզբը
- գ. Երևանի բերդի գրավումը
- դ. Շամքորի ճակատամարտը

- 1) դ, գ, ա, բ
- 2) բ, դ, գ, ա
- 3) գ, ա, դ, բ
- 4) բ, դ, ա, գ

24

**Իրադարձությունները դասավորել ժամանակագրական հաջորդականությամբ.**

- ա. Արշամաշատ քաղաքի կառուցումը
- բ. Սելևկյան պետության առաջացումը
- գ. Հայկագունների Երվանդական ճյուղի իշխանության վերացումը Մեծ Հայքում
- դ. Հելլենիզմի դարաշրջանի սկիզբն Առաջավոր Ասիայում
- ե. Արտաշեսի և Ջարեհի գլխավորությամբ սելևկյան զորքերի արշավանքը Հայաստանի դեմ
- զ. Սամոսատ մայրաքաղաքի կառուցումը

- 1) բ, գ, ա, դ, ե, գ
- 2) դ, բ, ա, գ, գ, ե
- 3) բ, դ, գ, ա, գ, ե
- 4) դ, բ, գ, ա, ե, գ

25

**Արևմտյան Հայաստանում բյուզանդացիների ստեղծած վարչամիավորը համապատասխանեցնել դրանում ընդգրկված Մեծ Հայքի նահանգին.**

- |                      |                         |
|----------------------|-------------------------|
| 1. Այրարատի մեծ մասը | ա. «Մասն Մեծ Հայոց»     |
| 2. Տայք              | բ. «Մեծ մասն Մեծ Հայոց» |
| 3. Տուրուբերան       | գ. «Ներքսագոյն Հայք»    |
| 4. Բարձր Հայք        | դ. «Խորագոյն Հայք»      |
|                      | ե. «Մեծ Հայք»           |

- 1) 1-բ, 2-դ, 3-ե, 4-գ
- 2) 1-գ, 2-բ, 3-ե, 4-ա
- 3) 1-գ, 2-դ, 3-ե, 4-ա
- 4) 1-ա, 2-դ, 3-բ, 4-գ

**Իրադարձությունները համապատասխանեցնել տարեթվերին.**

- |                          |   |
|--------------------------|---|
| 1. 1920 թ. նոյեմբերի 22  | ա. խորհրդա-թուրքական «Սրտագին և անկեղծ բարեկամության պայմանագրի նախաստորագրումը     |
| 2. 1920 թ. օգոստոսի 24   | բ. Արևելքի ժողովուրդների առաջին համագումարի բացումը                                 |
| 3. 1919 թ. մայիսի 28     | գ. Հայ-ռուսական «Եզրափակիչ որոշման արձանագրության» նախաստորագրությունը              |
| 4. 1920 թ. հոկտեմբերի 28 | դ. «Միացյալ Հայաստանի անկախության հռչակագրի ակտի» ստորագրումը և հռչակումը           |
| 5. 1920 թ. սեպտեմբերի 1  | ե. Երևանի հայ-ռուսական համաձայնագրի ստորագրումը                                     |
|                          | զ. ԱՄՆ-ի նախագահ Վիլսոնի իրավարար վճռի հայտնելը հայ-թուրքական սահմանագծի վերաբերյալ |

- 1) 1-ա, 2-բ, 3-դ, 4-գ, 5-զ
- 2) 1-զ, 2-ա, 3-գ, 4-ե, 5-բ
- 3) 1-զ, 2-զ, 3-ե, 4-բ, 5-ա
- 4) 1-զ, 2-ա, 3-դ, 4-գ, 5-բ

**Ընտրել երկու ճիշտ պնդումները.**

- ա. Ք. ա. IX դ. 80-70-ական թթ. Հայկական լեռնաշխարհում հիշատակվող կազմավորումներից նշանավոր էին հարավում Միտաննին, իսկ հյուսիսում՝ Հայասան:
- բ. Ք. ա. 859-843 թթ. ասորեստանյան արշավանքներին դիմակայած Արամուն ասորեստանյան աղբյուրներում անվանապես հիշատակվող առաջին ուրարտական արքան է:
- գ. Արամ Ուրարտացին ոչ միայն ջախջախել է ասորեստանցի նվաճողներին, այլև գրավել Մարաստանն ու Փոքր Ասիայի զգալի մասը և հաղթական արշավանքներով հասել մինչև Պարսից ծոցի և Սև ծովի ափերը:
- դ. Հայկական լեռնաշխարհում առաջացած պետական կազմավորումներից Նաիրի թագավորությանը հաջողվել է Ք. ա. 880-ական թվականներից սկսած՝ ամբողջ Հայկական լեռնաշխարհը միավորել իր իշխանության ներքո:
- ե. Քանի որ «Ուրարտուն դարձել էր Հայաստանի ընդհանրական անվանում, ուստի ասորեստանյան աղբյուրները շարունակում են այդ անունով հիշատակել նաև Նաիրի թագավորությունը:

- 1) ա, բ
- 2) բ, ե
- 3) դ, ե
- 4) գ, ե

28

Ե՞րբ է Դվինի ամիրայությունը միացվել Բագրատունյաց թագավորությանը.

- 1) 987 թ.
- 2) 977 թ.
- 3) 978 թ.
- 4) 989 թ.

29

Ե՞րբ է Արցախում ստեղծվել ինքնապաշտպանության ընդհատակյա կոմիտեն.

- 1) 1990 թ. օգոստոսին
- 2) 1991 թ. մայիսին
- 3) 1991 թ. հուլիսին
- 4) 1992 թ. հունիսին

30

Պարսից ո՞ր արքայի համաձայնությունն է ստանում Սահակ Պարթևը Համազասպ Մամիկոնյանին սպարապետ նշանակելու հարցում.

- 1) Շապուհ III-ի
- 2) Վռամ IV-ի
- 3) Հազկերտ I-ի
- 4) Հազկերտ II-ի

31

Ո՞ր մարմինները միջոցներ տրամադրեցին 1920-ական թթ. ներգաղթածների համար նոր ավաններ ու գյուղեր կառուցելու համար.

- 1) հայ քաղաքական կուսակցությունները
- 2) Հայոց եկեղեցին
- 3) հայրենակցական կազմակերպությունները
- 4) Հայ դատի հանձնախմբերը

32

Ո՞վ է հետևյալ խոսքերի հեղինակը.

*«...Եվրոպայում օձ սնուցելով՝ զրկվեցինք Բուլղարիայից. որպեսզի նույնը տեղի չունենա Ասիայում, անհրաժեշտ է բնաջնջել հայությանը»:*

- 1) Քյամիլ փաշան
- 2) Թալեաթ փաշան
- 3) Աբդուլ Համիդը
- 4) Ջեքի փաշան

33

**Որտե՞ղ է ընդունվել հետևյալ որոշումը.**

*«Պատրաստ լինել իշխանությունը գրավելու, երբ նեցուկ կունենանք մի հարևան երկիր, որով հնարավոր կլինի կապվել բանվորագյուղացիական Ռուսաստանի հետ»:*

- 1) Ալեքսանդրապոլում
- 2) Բաքվում
- 3) Երևանում
- 4) Մոսկվայում

34

**Ո՞ր մարմինն էր Հայ դատի հանձնախումբը.**

- 1) Համազգային կենտրոնական մարմինը
- 2) Ամերիկայի հայկական ազգային խորհուրդը
- 3) Հայկական ազգային կոմիտեն
- 4) Հայկական համաշխարհային կոնգրեսը

35

**Ինչի՞ շնորհիվ ապահովվեց Մարտակերտի շրջանում ազատագրական մարտեր մղող հայկական պաշտպանական ուժերի թիկունքը.**

- 1) Շուշիի ազատագրման
- 2) Լաչինի ազատագրման
- 3) Հորադիզի երկաթուղային հանգույցի կրակակետերի ոչնչացման և Հորադիզի ազատագրման
- 4) Քելբաջարի շրջանի հյուսիսային մասի և Օմարի բարձրադիր լեռնանցքի ազատագրման

36

**Իրադարձությունները դասավորել ժամանակագրական հաջորդականությամբ.**

- ա. Սմբատ Արծրունու օծումը հայոց թագավոր
- բ. Աբգար Թոխաթեցու գլխավորած պատվիրակության մեկնումը Վենետիկ
- գ. Էջմիածնի գաղտնի խորհրդակցության հրավիրումը Ստեփաննոս Սալմաստեցու կողմից
- դ. հայոց կաթողիկոսության վերահաստատումը Ս. Էջմիածնում
- ե. Ստեփաննոս Սալմաստեցու գլխավորած պատվիրակության մեկնումը Եվրոպա
- զ. Ջհանշահի գահակալման ավարտը

- 1) դ, գ, ա, գ, ե, բ
- 2) դ, ա, գ, գ, ե, բ
- 3) դ, ա, գ, գ, բ, ե
- 4) ա, դ, գ, գ, բ, ե

**Իրադարձությունների տրված շարքում ո՞րն է տեղի ունեցել հինգերորդը՝ ըստ ժամանակագրական հաջորդականության.**

- ա. Խոսքով բեկ Սուլթանովի նշանակվելը Ղարաբաղ Ջանգեզուրի գեներալ նահանգապետ
- բ. Հայ ժողովրդական կուսակցության երկրորդ համագումարի հրավիրումը
- գ. անգլիացի գեներալ Դևիի և Դրոյի կողմից Նախիջևանի՝ Հայաստանին պատկանելու մասին հրամանի ստորագրումը
- դ. Լևոն Շանթի կողմից ստորագրված պետական լեզվի մասին օրենքի ընդունումը
- ե. Հայաստանի առաջին հանրապետության խորհրդարանի ընտրությունները
- զ. հայկական համատեղ պահանջների հուշագրի ներկայացումը Փարիզի խորհրդածողովին

- 1) ե
- 2) գ
- 3) բ
- 4) դ

**Համապատասխանեցնել հեղինակների և նրանց ստեղծագործությունների անունները.**

- |                        |                                  |
|------------------------|----------------------------------|
| 1. Ստեփանոս Շահումյան  | ա. «Տիեզերական պատմություն»      |
| 2. Ստեփանոս Պալասանյան | բ. «Համառօտ պատմութիւն Աղուանից» |
| 3. Աբրահամ Երևանցի     | գ. «Պատմութիւն Դավիթ բեկին»      |
| 4. Հովսեփ Գաբրըճյան    | դ. «Պատմութիւն Հայոց»            |
|                        | ե. «Պատմութիւն պատերազմաց»       |

- 1) 1-գ, 2-դ, 3-ե, 4-ա
- 2) 1-բ, 2-դ, 3-ե, 4-ա
- 3) 1-գ, 2-դ, 3-բ, 4-ե
- 4) 1-բ, 2-ա, 3-գ, 4-ե

**Տրված բացատրություններից որո՞նք են ճիշտ.**

- 1) 1840 թ. վերացվել է Կասպիական մարզը և ստեղծվել երկու վարչամիավոր՝ Վրացա-իմերեթական նահանգ և Հայկական մարզ:
- 2) 1839 թ. սուլթանական կառավարությունը հրապարակել է թանգիմաթը՝ բարենորոգումների հրովարտակը՝ հռչակելով սահմանադրության ընդունումը և ազգերի իրավահավասարություն:
- 3) 1844 թ. Կ. Պոլսում ստեղծված մարմինը կոչվում էր Ազգային ժողով, որի անդամների մեծ մասը հայ արհեստավորներն էին:
- 4) 1828 թ. մարտի 21-ին Նիկոլայ I-ի հրամանագրով Երևանի և Նախիջևանի նախկին խանություններից կազմված վարչական միավորը կոչվում էր Հայկական մարզ:
- 5) 1836 թ. մարտի 11-ին հրապարակված եկեղեցական կանոնադրությամբ (պոլոժենիե) սահմանվեցին Հայոց եկեղեցու վարչական իրավունքներն ու պարտականությունները, եկեղեցու ու կառավարության փոխհարաբերությունները:

40

**Որո՞նք էին 1877-1878 թթ. ռուս-թուրքական պատերազմին մեծ թվով հայերի մասնակցության պատճառները.**

- 1) Գրավված տարածքներում հայկական ինքնավարություն ստեղծելու Ալեքսանդր II կայսեր խոստումները
- 2) Արևմտյան Հայաստանի ազատագրման հույսերը
- 3) թուրքական տիրապետության դեմ հույների ազատագրական պայքարի վերելքը
- 4) ռուսական բանակի հրամանատարության կազմում զգալի թվով հայ զորավարների առկայությունը
- 5) Ռուսաստանի կողմից արևմտահայերին տրված լայն արտոնությունները

41

**Տրված պնդումներից որո՞նք են ճիշտ.**

- 1) 1935 թ. ստեղծվեց Հայաստանի խորհրդային կերպարվեստագետների միությունը, որի մեջ ձուլվեցին գոյություն ունեցող խմբերն ու ընկերությունները:
- 2) 1967 թ. Հայաստանում գործում էին 112 գիտահետազոտական հիմնարկ՝ 20 հազար գիտաշխատողներով:
- 3) 1950-ական թվականների կեսերից Հայաստանում մեծ զարգացում են ստացել մաթեմատիկայի գծով տարվող հետազոտական աշխատանքները, իսկ այդ ասպարեզում ձեռք բերված առաջին հաջողությունները կապված են ակադեմիկոսներ Արտաշես Շահինյանի, Տիգրան Ջրբաշյանի և Մերգել Մերկուրովի անունների հետ:
- 4) 1950-ական թթ. հայկական արվեստի վերելքը պայմանավորվեց նաև 1945 թ. Երևանի գեղարվեստական ինստիտուտի հիմնադրումով. ասպարեզ մտավ նոր սերունդ, որը ձգտում էր նորովի արտահայտելու հասարակությանը հուզող խնդիրները:
- 5) 1940-1950-ական թվականներին կառուցվել են պատմության նշանավոր դեպքերն ու դեմքերը հավերժացնող հուշարձաններ, որոնցից են Մեծ եղեռնի զոհերի հուշահամալիրը Ծիծեռնակաբերդում, Սարդարապատի հերոսամարտի հուշահամալիրը Ապարանում, «Մայր Հայաստան» հուշարձանը Լենինականում (այժմ՝ Գյումրի) և այլն:
- 6) 1950-1970-ական թթ. հայկական գեղանկարչության ամենաբնորոշ գծերն էին ավանդական ժանրերի միաձուլումը, մարդկանց և բնապատկերի համադրումը:

42

**Մյունխի ազատագրական պայքարի 1720-ական թթ. դեպքերից ո՞րն է խախտում տրված շարքի ժամանակագրական հաջորդականությունը.**

- 1) ջևանշիր քոչվոր ցեղերի դեմ տարած հաղթանակը
- 2) Տաթև գյուղի մերձակա ամրոցի գրավումը
- 3) Հալիձորի ճակատամարտը
- 4) Չավնդուրի ճակատամարտը
- 5) Ջևայի և Որոտանի բերդերի ազատագրումը
- 6) Մեղրիի ազատագրումը

43

**Իրադարձությունները դասավորել ժամանակագրական հաջորդականությամբ.**

- 1) Սարգոն II-ի կողմից Խալդիի գլխավոր տաճարի թալանումը
- 2) Ասորեստանի մղած երեսնամյա պայքարի սկիզբն Առաջավոր Ասիայում իր դիրքերը վերականգնելու համար
- 3) Վանի թագավորության վերածվելը գերտերության
- 4) Թիգլաթպալասար III-ի արշավանքը Տուշպա (Վան)
- 5) Սարգոն II-ի արշավանքը Վանի թագավորության դեմ

--	--	--	--	--

44

**Կատարել համապատասխանեցում.**

- ա. 1036  
բ. մոտ 55000  
գ. 400  
դ. 900  
ե. ավելի քան 90000

- 1) հայոց զինված ուժերի թիվը Ձիրավի ճակատամարտում
- 2) հայոց զինված ուժերի թիվն Ակոռիի ճակատամարտում
- 3) Ավարայրի ճակատամարտում զոհված պարսիկների թիվը
- 4) հայոց զինված ուժերի թիվն «Արյան լճի» ճակատամարտում
- 5) հայ նահատակների թիվն Ավարայրի ճակատամարտում
- 6) նախարարական տների հեծելազորի թիվն ըստ Ջորանամակի

ա	
բ	
գ	
դ	
ե	

45

**Ստորև տրված պնդումներից գտնել՝ որոնք են ճիշտ, որոնք՝ սխալ.**

- 1) Բնիկ հայկական ավանդության համաձայն՝ Հայ(ա) աստծու անունով մեր ժողովուրդը կոչվել է հայ, իսկ երկիրը՝ Հայք, Հայաստան:
- 2) Վանի թագավորության շրջանից հայտնի մեհենագրային համակարգն ունի բնիկ տեղական ծագում, այն բաղկացած էր շուրջ 300 նշաններից:
- 3) Հռոմեական կայսրությունը Ք. ա. առաջին դարի սկզբներին հզորացել էր և ծրագրել էր գրավել Փոքր Ասիան:
- 4) Վարագտիրոց Բագրատունին Հերակլ կայսրից ստացել է «պատրիկ-կյուրապաղատի» աստիճան և ճանաչվել հայոց իշխան:
- 5) Մամլուքները և մոնղոլական կարամանների ցեղը 1375 թ. կրկին պաշարեցին մայրաքաղաք Սիսը:
- 6) Կարա-կոյունլուներին պարտության մատնելուց և նրանց մայրաքաղաք Թավրիզը գրավելուց հետո Սեֆյանները հիմնադրեցին իրենց պետությունը:

## Բ մակարդակ

46

**Գտնել տերմինների կամ հասկացությունների սխալ բացատրությունները.**

- ա. Կիլիկյան Հայաստանի բանակում հատուկ տեղ զբաղեցնող հոգևոր-ասպետական կազմակերպություններից մեկը հայտնի էր «Հիվանդախնամների միաբանություն» անունով:
- բ. Հայաստանի հարավում՝ Խլաթ կենտրոնով ստեղծված մահմեդական իշխանությունը կոչվում էր Շահ-Արմենների աթաբեկություն:
- գ. Պատերազմների ժամանակ գյուղացիներից և քաղաքացիներից հավաքագրվող զինուժը կոչվում էր աշխարհագոր:
- դ. Կիլիկյան Հայաստանում սպարապետի անմիջական տեղակալը կոչվում էր սպասալար:
- ե. Կիլիկյան Հայաստանի արքունի քարտուղարության գործակալության գլխավոր պաշտոնյային կոչում էին կանցլեր:
- զ. Սեփական կալվածքները կամովին եկեղեցուն հանձնած և հոգևոր կոչում ընդունած հայ կալվածատերերին անվանել են պարոնտեր:
- է. Արևմտյան Հայաստանում ստեղծված կիսանկախ իշխանությունները կոչվում էին մելիքություններ:
- ը. Քաղաքներում առևտրին, արհեստներին, շուկաներին ու հարկահանությանը հետևող պաշտոնյան կոչվում էր մուխթասիբ:

- 1) ա, դ, է
- 2) բ, դ, է
- 3) ա, գ, ը
- 4) բ, գ, է

47

**Ընտրել տերմինների կամ հասկացությունների ճիշտ բացատրությունները.**

- ա. Աստվածների գերագույն եռյակի պաշտամունքը բնիկ հնդեվրոպական երևույթ է և հայոց մեջ ունի վաղնջական ակունքներ:
- բ. Դարեհ III Կողոմանուսը նախքան պարսկական գահին բարձրանալը եղել է Հայաստանի սատրապ:
- գ. Աստղիկը հայոց դիցարանում մեծարվել է «Ոսկեմայր» տիտղոսով:
- դ. Փարպեցին Արտաշես I-ի ստեղծած վարչական միավորներն անվանում է ստրատեգիաներ, իսկ դրանց կառավարիչներին՝ ստրատեգոսներ:
- ե. Որոշ ուսումնասիրողների կարծիքով Անահիտը եղել է նաև ռազմի դիցուհի:
- զ. Վանի թագավորությունում հայտնի էին «սահմանապահ կուսակալ», «աշխարհակալ», «գավառակալ» անուններով գործակալություններ:
- է. Դարեհ II-ի ստեղծած վարչական միավորները կոչվում էին սատրապություններ:

- 1) ա, դ, է
- 2) բ, գ, զ
- 3) ա, բ, զ
- 4) ա, դ, է

**Գրել ճիշտ պատասխանները.**

*Ի նշանավորումն հայ-հռոմեական դաշինքի վերականգնման՝ կայսր Մակրինոսը՝*

- ա. Տրդատին է վերադարձնում Կապադովկիայի կալվածքները, որոնք ստացել էր դեռևս Խոսրով I-ը:
  - բ. խոշոր գումար է վճարում Տրդատին, որպեսզի հայոց այրուձին հյուսիսում իրականացնի Կովկասյան լեռնանցքների և հարակից տարածքների պաշտպանությունը:
  - գ. Տրդատին է վերադարձնում Հայաստանից գերեվարված նրա կնոջը՝ թագուհուն:
  - դ. Հայաստանից դուրս է բերում հռոմեական լեգեոնները, իսկ նրանց պարտականությունները ստանձնում է հայոց այրուձին:
  - ե. Տրդատին է վերադարձնում Հայաստանից թալանված ավարը:
- 1) ա, բ
  - 2) գ, ե
  - 3) ա, ե
  - 4) ա, դ

**Թվարկվածներից որո՞նք են պատմական դեպքերի և իրադարձությունների իրական արդյունքներ.**

- ա. Արճեշի ճակատամարտի արդյունքում հայերից զոհվել են չորս իշխաններ և 1500 ռամիկներ:
  - բ. Մլեհի և Հալեպի ամիրայի դաշինքի արդյունքում վերջնականապես վերացվեցին բյուզանդական տիրապետության վերջին հենակետերը Կիլիկիայում:
  - գ. Արճեշի ճակատամարտի արդյունքում զոհվեցին Բագրատունյաց, Մամիկոնյան, Գնունյաց և բազում այլ տոհմերից նախարարներ, ինչպես նաև ռամիկներ՝ մոտ երեք հազար հոգի:
  - դ. Հայոց հզորագույն ապստամբության (850–855 թթ.) արդյունքում սասանվեց արաբական տիրապետությունը Հայաստանում:
  - ե. Հայ-վրացական համագործակցության արդյունքում սելջուկներից ազատագրվեցին Հայաստանի հյուսիսային, կենտրոնական և հարավային հատվածները:
  - զ. 1254 թ. հայ-մոնղոլական դաշինքի արդյունքում հայոց եկեղեցիներն ու վանքերն ազատվեցին հարկերից:
  - է. Հեթումի և Ալիսի ամուսնության արդյունքում լուծվեց գահակալության խնդիրը, և հիմք դրվեց Հեթումյանների արքայատոհմին:
- 1) ա, ե, գ
  - 2) ե, գ, է
  - 3) ա, դ, գ
  - 4) բ, գ, է

**Վարդանանց պատերազմի շրջանի իրադարձությունները դասավորել ժամանակագրական հաջորդականությամբ.**

- ա. ապստամբ ուժերի կողմից Արտաշատ, Գառնի, Արտազերս ամրոցների ազատագրումը պարսից կայսրներից
- բ. Վարդան Մամիկոնյանի և հոների միջև Մասանյանների դեմ ուղղված դաշինքի կնքումը
- գ. Ավարայրի ճակատամարտը
- դ. Աղվանքի հազարապետի և եպիսկոպոսների ժամանումը Հայաստան
- ե. պարսից զորքի՝ Հայաստանից հանելը Հազկերտի կողմից
- զ. ապստամբական կառավարության կազմումը
- է. «Հավատո ուխտի» ընդունումը
- ը. Աղվանքից Վարդան Մամիկոնյանի շուտափույթ վերադարձը Հայաստան
- թ. Հովսեփ Վայցճորցու և Ղևոնդ Երեցի նահատակությունը
- ժ. Խաղխաղի ճակատամարտը

- 1) է, ա, դ, գ, բ, ժ, ը, գ, թ, ե
- 2) ա, է, գ, դ, ե, բ, ը, ժ, գ, թ
- 3) է, ա, գ, դ, ժ, բ, ը, գ, ե, թ
- 4) է, ա, գ, դ, բ, ժ, գ, ը, թ, ե

**Ըստ ժամանակագրական հաջորդականության՝ թվարկված իրադարձություններից ո՞րն է տեղի ունեցել վեցերորդը.**

- ա. ԽՍՀՄ պահպանման վերաբերյալ հանրաքվեի անցկացումը
- բ. Մ. Գորբաչովի դիմումի հրապարակումը ԽՍՀՄ նախագահի լիազորությունները կամավոր վայր դնելու մասին
- գ. ԽՍՀՄ ժողովրդական պատգամավորների առաջին համագումարի սկիզբը
- դ. Բելովեժյան հայտարարությունը ԽՍՀՄ-ի վերացման և ԱՊՀ-ի ստեղծման մասին
- ե. Լ. Տեր-Պետրոսյանի ընտրվելը Հայաստանի Գերագույն խորհրդի նախագահ
- զ. ՀԽՍՀ 16 շրջաններում հատուկ դրություն մտցնելը խորհրդային կենտրոնական իշխանությունների կողմից
- է. Լեոնային Ղարաբաղի ազգաբնակչության լիազոր ներկայացուցիչների համագումարում Ազգային խորհրդի ընտրությունը
- ը. Հայոց համազգային շարժման առաջին համագումարի բացումը
- թ. Ջ. Բալայանի, Վ. Համբարձումյանի, Ս. Սարգսյանի և Ղարաբաղի մի քանի պատգամավորների հացադուլը Մոսկվայում
- ժ. Վ. Մանուկյանի նշանակվելը Հայաստանի նախարարների խորհրդի նախագահ

- 1) թ
- 2) է
- 3) ժ
- 4) ը

Տրված իրադարձություններից ո՞րն է տեղի ունեցել յոթերորդը՝ ըստ ժամանակագրական հաջորդականության.

- ա. Բեհաեդդին Շաքիրի և Ջեմալ Ազմիի մահապատիժը
- բ. Էնվերի սպանությունը
- գ. Քեմալական զորքերի վերջնականապես հեռանալն Ալեքսանդրապոլից
- դ. Նազըմի մահապատիժը
- ե. ԽՍՀՄ-ի կազմավորումը
- զ. ԱԽՍՀԴՄ-ի ստեղծումը
- է. Հայիեդկոմի վերակազմավորվելը ՀՍԽՀ ժողովրդական կոմիսարների խորհրդի
- ը. Սայիդ Հալիմի սպանությունը
- թ. Սևրի պայմանագրի կնքումը
- ժ. հայ-վրացական սահմանազատման մասին վերջնական համաձայնագրի ստորագրումը

- 1) ե
- 2) բ
- 3) գ
- 4) ա

Իրադարձությունները համապատասխանեցնել տարեթվերին.

- |            |   |
|------------|---|
| 1. 1768 թ. | ա. «Նոր տետրակ»-ի լույսընծայումը Պետերբուրգում  |
| 2. 1769 թ. | բ. Հովսեփ Էմինի վերադարձը Հնդկաստան   |
| 3. 1770 թ. | գ. Գեորգիևսկի դաշնագրի կնքումը Ռուսաստանի և Վրաստանի միջև   |
| 4. 1783 թ. | դ. Մովսես Սարաֆյանի՝ Հայաստանի ազատագրության ծրագիրը Ռուսաստանի արտաքին գործերի կոլեգիային ներկայացնելը |
| 5. 1786 թ. | ե. XVIII դարի երկրորդ կեսի ռուս-թուրքական առաջին պատերազմի սկիզբը                                       |
| 6. 1790 թ. | զ. «Նոր տետրակ»-ի լույսընծայումը Մադրասում  |
| 7. 1772 թ. |   |

- 1) ա-7, բ-2, գ-4, դ-5, ե-1, զ-6
- 2) ա-7, բ-1, գ-2, դ-3, ե-4, զ-6
- 3) ա-5, բ-3, գ-4, դ-2, ե-1, զ-7
- 4) ա-5, բ-3, գ-4, դ-1, ե-2, զ-6

### Բերված փաստարկներից որո՞նք են սխալ.

- ա. Ըստ V-VII դարերի «Աշխարհացույցի»՝ Մեծ Հայքը բաժանվել է 15 խոշոր նահանգների, որոնք միասին ունեին 181 գավառ:
- բ. Միջնադարում հայկական ուժեղ պետություն է ստեղծվել Միջերկրական ծովի հյուսիս-արևմուտքում ընկած Կիլիկիայում, որն ունեցել է մինչև 50000 քառ. կմ տարածք:
- գ. Հայերի ծագումնաբանության մասին վրացական ավանդությունը գրի է առնվել IX-XI դարերի վրաց հեղինակների կողմից:
- դ. Հայկական ավանդության համաձայն՝ Արամանյակի անունով է կոչվել Արագած լեռը:
- ե. Թորգոմա տունը եղել է Եփրատի վերին ավազանում և հիշատակվում է դեռևս Ք. ա. XX-XVIII դարերում:
- զ. Եփրատ գետն ունի 500 կմ երկարություն, սկիզբ է առնում Ծաղկանց լեռներից և, միախառնվելով Տիգրիսին, թափվում Պարսից ծոց:
- է. Խեթական թագավորի և Հայաստաի Խուկանա արքայի միջև կնքվել է բարեկամության և փոխօգնության պայմանագիր:
- ը. Խեթական աղբյուրների համաձայն՝ Հայասա թագավորությունն ունեցել է արքունիք, բանակ, արքունի դիվան՝ իր դպիրներով, ինչպես նաև դիցարան:

- 1) գ, դ, է
- 2) ա, բ, է
- 3) ա, է, ը
- 4) ա, բ, գ

### Ընտրել երեք ճիշտ պնդումները.

#### *Շահապիվանի ժողովը՝*

- ա. Խիստ պատիժներ սահմանեց իրենց տերերին դավաճանած, տերերից փախած անհնազանդ ու ըմբոստ ծառաների նկատմամբ
- բ. խիստ պատիժներ սահմանեց եկեղեցու կարգերը խախտողների դեմ
- գ. դատապարտեց նեստորականների գործողությունները և դավանաբանական նոր գրություն կազմեց
- դ. խիստ պատիժներ սահմանեց ընտանիքի կարգերը խախտողների դեմ
- ե. Կանոնակարգեց և ամրագրեց Հայ առաքելական եկեղեցու դավանաբանական ինքնուրույնությունը
- զ. Վերջնականապես ամրագրեց Հայ առաքելական եկեղեցու ազգային և ծիսակարգային ինքնուրույնությունը
- է. խիստ կանոններ սահմանեց եկեղեցական կանոնադրությունն ու պաշտամունքն ավելորդ համարող և տարատեսակ անկարգություններ ու անօրինություններ գործող բորբորիտների դեմ

- 1) բ, դ, է
- 2) դ, գ, է
- 3) ա, գ, է
- 4) ա, բ, գ

Ընտրել երեք պատճառ, որոնք նպաստեցին Հուստինիանոս I կայսեր օրոք Արևմտյան Հայաստանում հայ նախարարների իշխանության թուլացմանը.

- ա. հայերի հակաբյուզանդական հաճախակի ելույթները
- բ. Ժառանգության իրավունքի մասին հատուկ օրենքի ընդունումը
- գ. հայ նախարարների միջև փոխադարձ թշնամանքը
- դ. իշխանության հանձնումը բյուզանդական զինվորականությանը
- ե. նոր վարչական բաժանումները
- զ. հաճախ կրկնվող պարսկա-բյուզանդական պատերազմները
- է. Հուստինիանոսի կողմից նոր աշխարհագիր անցկացնելը

- 1) բ, դ, է
- 2) ա, գ, է
- 3) բ, է, է
- 4) ա, գ, է

Կատարել համապատասխանեցում.

#### Տարեթիվ

#### Իրադարձություն

- |                      |  |
|----------------------|--|
| 1. 1888 թ. աշուն     | ա. «Դրոշակ» թերթում դաշնակցության հռչակագրի հրատարակումը   |
| 2. 1891 թ.           | բ. Հնչակյան կուսակցության ծրագրի հրատարակումը              |
| 3. 1890 թ. սեպտեմբեր | գ. Դաշնակցության առաջին ծրագրի հրատարակումը                |
| 4. 1896 թ.           | դ. Վերակազմյալ հնչակյանների հանդես գալը                    |
| 5. 1898 թ.           | ե. Հնչակյանների Լոնդոնի համագումարի հրավիրումը             |
| 6. 1887 թ. վերջ      | զ. «Խարիսխ» զինագործական արհեստանոցի հիմնադրումը Թավրիզում |
|                      | է. «Հնչակ» պաշտոնաթերթի հիմնադրումը                        |

- 1) 1-բ, 2-գ, 3-ա, 4-է, 5-դ, 6-է
- 2) 1-է, 2-ա, 3-գ, 4-դ, 5-գ, 6-բ
- 3) 1-է, 2-գ, 3-է, 4-ա, 5-դ, 6-բ
- 4) 1-բ, 2-գ, 3-ա, 4-է, 5-գ, 6-է

**Տրված պնդումներից որո՞նք են սխալ.**

- ա. Ռուսական զորքը 1918 թ. փետրվարի 10-ին վերսկսեց պատերազմը Կովկասյան ճակատում:
- բ. 1918 թ. մարտին կնքված Բրեստ-Լիտովսկի հաշտության պայմանագրի IV հոդվածով և ռուս-թուրքական լրացուցիչ պայմանագրի համաձայն՝ Օսմանյան Թուրքիային անցան Արևմտյան Հայաստանի ազատագրված մարզերը:
- գ. Անդրկոմիսարիատի 12 կոմիսարներից երեքը հայեր էին՝ Խ. Կարճիկյան, Հ. Օհանջանյան, Գ. Տեր-Ղազարյան:
- դ. 1918 թ. մարտի 1-ին ստեղծվել է Առանձին հայկական կորպուսը:
- ե. Հայոց ազգային խորհուրդը 1917 թ. դեկտեմբերի վերջերին Թիֆլիսից Երևան է գործուղել Արամ Մանուկյանին՝ օժտելով նրան արտակարգ լիազորություններով:
- զ. Կովկասյան բանակի գլխավոր հրամանատար Ե. Գեգեչկորու 1917 թ. դեկտեմբերի 7-ի գաղտնի հրամանի համաձայն՝ սկսվել է նվաճված մարզերի հայ բնակչությունից չորս գնդերի կազմավորումը:
- է. Հայկական կորպուսի ճակատային և պահեստային զորամասերի կազմավորման գլխավոր վայր դարձավ Երևանի նահանգը:
- ը. 1917 թ. ապրիլի 26-ին հրապարակվեց Անդրկովկասյան հատուկ կոմիտեի որոշումը Արևմտյան Հայաստանի գրավված տարածքում կառավարման նոր ձև մտցնելու մասին:
- 1) ա, դ, գ
  - 2) ա, գ, ը
  - 3) գ, գ, ը
  - 4) բ, ե, է

**Ստորև բերված փաստարկներից ո՞ր երեքն են ճիշտ.**

- ա. Հայրենական պատերազմում առաջին հայ հերոսը Կարապետ Սիմոնյանն էր, որն այդ կոչմանն արժանացավ 1940 թ. հունվարի 15-ին:
- բ. 1937 թ. ապրիլին ձերբակալվեց մարքսիզմ-լենինիզմի ինստիտուտի տնօրեն Ներսիկ Ստեփանյանը:
- գ. 408-րդ հրաձգային դիվիզիան կազմավորվել է Արտաշատում:
- դ. Բալթիկայի համար մղվող մարտերից մեկում 1944 թ. զոհվեց ԽՍՀՄ հերոս Նելսոն Ստեփանյանը:
- ե. 1945 թ. վերջերին հայրենիքի դավաճանության անհիմն մեղադրանքով ձերբակալվեց ավիացիայի մարշալ Սերգեյ Խուդյակովը (Արմենակ Խանփեռյանց):
- զ. 1948 թ. սեպտեմբերի 14-ին եղավ ԽՍՀՄ կառավարության որոշումը՝ սփյուռքահայերի ներգաղթը դադարեցնելու մասին:
- է. 1974 թ. հակախորհրդային գործունեության մեղադրանքով ազատազրկման և քստրի դատապարտվեցին Ազատ Արշակյանը, Ռազմիկ Զոհրաբյանը, Ռազմիկ Մարկոսյանը, Էդուարդ Կակոսյանը և Գրիգոր Եղյանը:
- ը. 1988 թ. դեկտեմբերի 1-ի երեկոյան ընդունվեց «Հայկական ԽՍՀ-ին Լեռնային Ղարաբաղի վերամիավորման մասին» համատեղ որոշումը:
- 1) դ, ե, է
  - 2) դ, ե, գ
  - 3) բ, գ, է
  - 4) ա, գ, ը

60

**Ընտրել տերմինների կամ հասկացությունների սխալ բացատրությունները.**

- 1) Կարսի մարզի մեջ մտած գավառները կոչվում էին նաև օկրուգներ:
- 2) Արևմտահայերի Ազգային սահմանադրությունը Օսմանյան կայսրության հիմնական օրենքն էր՝ սահմանադրությունը:
- 3) Պատգամավորական Կենտրոնական ժողովը Հայաստանում ապրող հայերի ներկայացուցչական համագումարն էր:
- 4) Ռուսաստանի հետադիմական վարչակարգի հակահայ քաղաքականության դեմ պայքարելու համար Թիֆլիսում ստեղծված մարմինը կոչվում էր «Ինքնապաշտպանության կենտրոնական կոմիտե»:
- 5) Արևմտահայերի Ազգային սահմանադրության համաձայն՝ ստեղծվող Ազգային ժողովը հայտնի էր նաև «Երեսփոխանական ժողով» անունով:
- 6) Անդրկովկասում Գ. Գոլիցինի փոխարեն նշանակված Ի. Վորոնցով-Դաշկովի պաշտոնը կոչվում էր Կովկասի կառավարչապետ:
- 7) Մասունում սուլթան Համիդ II-ի կազմակերպած հայկական կոտորածներից հետո մեծ տերությունների կազմած բարենորոգումների նախագիծը ստացավ «Մայիսյան բարենորոգումների ծրագիր» անունը:

61

**Հայաստանի առաջին հանրապետության մշակութային-կրթական գործը զարգացնելու արդյունքում՝**

- 1) Ընդունվեց օրենք պետական հանրային մատենադարան (գրադարան) հիմնելու մասին:
- 2) Կառավարությունը հսկայական ֆինանսական միջոցներ տրամադրեց մշակութային-կրթական բոլոր հաստատություններին:
- 3) Հիմնվեցին մի շարք բարձրագույն ուսումնական հաստատություններ:
- 4) Նոր Բայազետում և Դիլիջանում բացվեցին գյուղատնտեսական դպրոցներ, իսկ Ալեքսանդրապոլում՝ տեխնիկական միջնակարգ դպրոց:
- 5) Ստեղծվեց դպրոցական եռաստիճան համակարգ՝ տարրական, ութամյա և միջնակարգ:
- 6) 1919 թ. մայիսին Երևանում բացվեց հայ արվեստագետների ցուցահանդեսը:
- 7) 1920 թ. սեպտեմբերին կազմակերպվեց պետական թանգարան (ներկայիս Հայաստանի պատմության թանգարանը):

62

**Թվարկվածներից որո՞նք Հայոց մեծ եղեռնի պատճառ չեն.**

- 1) հայերի հայրենագրկման և ոչնչացման ծրագիրը
- 2) Միացյալ և անկախ Հայաստան ստեղծելու ռուսների ծրագիրը
- 3) Հայկական հարցին մեկընդմիջտ վերջ տալու երիտթուրքերի ձգտումը
- 4) հայ քաղաքական կուսակցությունների՝ Հայաստանի միավորման ծրագրի ձախողումը
- 5) հայ արդյունաբերողների և դրամատերերի մրցակցությունից ազատվելը
- 6) Անտանտին Անդրկովկասում հավատարիմ դաշնակցից զրկելը
- 7) հայության ֆինանսական և նյութական ունեցվածքին տիրանալը

63

**Առանձնացնել երեք պայմաններ, որոնք տեղ են գտել 1829 թ. Ադրիանապոլսի հաշտության պայմանագրում.**

- 1) Ռուսաստանին էին անցնում Ախալքալաքը և Ախալցխան:
- 2) Ռուսաստանին էր անցնում նաև Արևմտյան Հայաստանի զգալի մասը՝ Կարսը, Արդահանը, Կադզվանը և Օլթին:
- 3) Ռուսաստանը Դանուբյան շրջանում ստանում էր Բեսարաբիան:
- 4) Ռուսաստանին էին անցնում սևծովյան առափնյա շրջանները՝ Փոթի նավահանգստով:
- 5) Ազատ առևտրի իրավունք էին ստանում երկու կողմերի հպատակները:
- 6) Թուրքիան պարտավորվում էր Ռուսաստանին վճարել 20 միլիոն ռուբլի ռազմատուգանք:
- 7) Կարսը, Էրզրումը, Մուշը և Արևմտյան Հայաստանից ռուսների գրաված մյուս տարածքների մեծ մասը վերադարձվում էին Օսմանյան կայսրությանը:

64

**Տրված պնդումներից որո՞նք են ճիշտ.**

- 1) Բեռլինի վեհաժողովից հետո հայ հասարակական-քաղաքական գործիչներն իրենց հույսը սկսում են կապել Ռուսաստանի ռազմաքաղաքական գորեղ աջակցությամբ ծավալված զինված պայքարի հետ:
- 2) Զեյթունի 1862 թ. ապստամբությունը խոշոր ազդեցություն ունեցավ հայ ժողովրդի ազգային ինքնագիտակցության աննախընթաց բարձրացման վրա:
- 3) Արևմտյան Հայաստանում ստեղծված առաջին խմբակներից հայտնի է «Հայրենիքի սիրո գրասենյակը»:
- 4) Գ. Արծրունու ազատագրական խմբակը ստեղծվել է Վանում:
- 5) «Բարենպատակ ընկերություն» և «Հայրենիքի սիրո գրասենյակ» խմբակների նպատակն է եղել ոչ միայն ազատագրել Արևմտահայաստանը, այլև հասնել ազգի երկու հատվածների միավորմանը:
- 6) «Հայասեր-ազգասեր» կազմակերպության դատապարտված 40 անդամներից հինգի նկատմամբ մահապատժի վճիռ է կայացվել:
- 7) «Պաշտպան հայրենյաց» կազմակերպությունն ունեցել է մոտ 30 անդամ, որոնք փորձել են զենք առաքել «թուրքահայ եղբայրներին»:

65

**Ո՞ր իրադարձություններն են խախտում տրված շարքի ժամանակագրական հաջորդականությունը.**

- 1) Արտավազդ II-ի և Օրոդես II-ի միջև հայ-պարթևական պայմանագրի կնքումը
- 2) Էվրիպիդեսի «Բաքոսուհիներ» ողբերգության բեմադրությունն Արտաշատում Օրոդես II-ի ներկայությամբ
- 3) Կրասուսի պարթևական արշավանքի սկիզբը
- 4) Արտավազդ II-ի և Կրասուսի հանդիպումը Ասորիքում
- 5) Խառանի ճակատամարտը
- 6) թագաժառանգ Բակուրի հրամանատարությամբ հռոմեացիների վտարումը Ասորիքից, Կիլիկիայից, Փյունիկիայից, Պաղեստինից և Հրեաստանից
- 7) Արտավազդ II-ի եղերական մահը
- 8) Արտաշես II-ի դավադիր սպանությունը
- 9) Հռոմի դրածո Արտավազդ III-ի վտարումը Հայաստանից

66

**Իրադարձությունները դասավորել ժամանակագրական հաջորդականությամբ.**

- 1) Վրաստանի խորհրդայնացման ավարտը
- 2) Հայրենիքի փրկության կոմիտեի ստեղծումը Սիմոն Վրացյանի նախագահությամբ
- 3) նեպին անցման սկիզբը Հայաստանում
- 4) Անկարայում ֆրանս-թուրքական զինադադարի ստորագրումը
- 5) գյուղմիասնարկի շրջանառության մեջ մտնելը Հայաստանում
- 6) «Լոռու չեզոք գոտում» ապստամբության սկիզբը

--	--	--	--	--	--

67

**Իրադարձությունները դասավորել ժամանակագրական հաջորդականությամբ.**

- 1) Հայ կամավորների մուտքը Վան
- 2) Նազարեթ Չավուշին խոշտանգելն ու սպանելը
- 3) կամավորական 2-րդ ջոկատի կողմից Խնուսի գրավումը
- 4) Օսմանյան կայսրության հատուկ օրենքի ընդունումը՝ կայսրությունից պետության քաղաքացիների էլքն ու մուտքն արգելելու վերաբերյալ
- 5) Արամ Մանուկյանի՝ Վանի նահանգապետ նշանակվելը
- 6) կամավորական ութ ջոկատների վերակազմակերպումը վեց գումարտակների

--	--	--	--	--	--

68

**Կատարել համապատասխանեցում.**

- ա. Մոսկվայում հաստատված նորջուղայեցի նշանավոր արվեստագետը
- բ. հայկական տպագրության հիմնադիրը
- գ. Աղթամարի Ս. Խաչ եկեղեցու ճարտարապետը
- դ. Նորավանքի նշանավոր խաչքարագործ վարպետը
- ե. Հռոմկլայում ստեղծագործած նշանավոր մանրանկարիչը
- զ. Սկևռայում ստեղծագործած նշանավոր մանրանկարիչը

- 1) Մանուել
- 2) Մոմիկ
- 3) Գրիգոր Մլիճեցի
- 4) Հակոբ Մեղապարտ
- 5) Թորոս Ռոսլին
- 6) Պողոս
- 7) Բոգրան Սալթանով

ա	
բ	
գ	
դ	
ե	
զ	

**Կատարել համապատասխանեցում.**

- ա. շուրջ 180 000
- բ. շուրջ 1100
- գ. շուրջ 6750
- դ. շուրջ 500
- ե. շուրջ 40 000
- զ. շուրջ 15 000

- 1) 1932 թ. առանց դատաքննության և դատարանի վճիռների տարբեր ժամկետներով Հայաստանում ազատազրկման ենթարկված մարդկանց թիվը
- 2) 1929 թ. դրությամբ հողագուրկ հայ գյուղացիների թիվը
- 3) 1930-ական թթ. Հայաստանում բռնությունների ենթարկվածների թիվը
- 4) 1930 թ. ապրիլի դրությամբ որպես կուլակ ունեզրկված տնտեսությունների թիվը
- 5) 1933 թ. ապրուստի միջոց հայթայթելու նպատակով Սևանա լճի ավազանի շրջանները լքած ընտանիքների թիվը
- 6) 1932 թ. սկզբին առանց դատաքննության և դատարանի վճիռների գնդակահարվածների թիվը
- 7) 1930-ական թթ. վերջի դրությամբ կոլտնտեսություններում ընդգրկված գյուղացիական տնտեսությունների թիվը

ա	բ	գ	դ	ե	զ

**Ստորև տրված պնդումներից գտնել՝ որոնք են ճիշտ, որոնք՝ սխալ.**

- 1) Անդրեաս Տեր-Մարությանի կերտած՝ Խաչատուր Աբովյանի հուշարձանը նորագույն շրջանի հայ կերպարվեստի առաջին կոթողային քանդակն է:
- 2) 1949 թ. դեկտեմբերի 8-ին ՄԱԿ-ը ընդունեց «Ցեղասպանության հանցագործությունը կանխարգելելու և պատժելու մասին» կոնվենցիան, որի հիմքում ընկած էր լեհական հրեա իրավաբան Ռաֆայել Լեմկինի առաջարկած նախագիծը:
- 3) Կիլիկիայի հայերի կոտորածների պատասխանատվությունը դնելով Անկարայի Ս. Քեմալի և Կ. Պոլսի երիտթուրքական կառավարության վրա՝ ֆրանսիացիները գործնական որևէ քայլ չարեցին դրանք դադարեցնելու համար:
- 4) Հնգամյակներով կենտրոնացված պլանավորումը կիրառվել է ԽՍՀՄ գոյության բոլոր տարիներին:
- 5) Խորհրդային երկրում արդյունաբերացման գործընթացն սկսվել է այն ժամանակ, երբ ԽՍՀՄ ղեկավարությունը դեռ չէր հայտարարել նեպից հրաժարվելու մասին:
- 6) Մեծ հայրենադարձության տարիներին Խորհրդային Հայաստան հայրենադարձվել է ավելի շատ մարդ, քան 1921-1936 թթ. և 1950-1982 թթ. ընթացքում միասին վերցրած: